

郡地六町、賜大原内親王、

〔日本後紀^二〕弘仁三年二月辛亥、山城國乙訓郡荒地、賜大外記從五位上上毛野朝臣穎人、左大

史正六位上朝原宿禰諸坂、左少史從七位下佐太忌寸豐長各一町、

〔日本後紀^二〕弘仁六年四月己酉、攝津國住吉郡地十町、賜參議右大辨從四位上紀朝臣廣濱、

〔續日本後紀^二〕天長十年十月乙巳、山城國綴喜郡空閑地五町、賜正三位中納言源朝臣常、

〔續日本後紀^三〕承和元年八月丙戌、賜攝津國西成郡閑地一百町於諱^{○文}、十月壬寅、山城國愛

宕郡閑地六町、賜從四位下滋野朝臣貞主、

〔續日本後紀^五〕承和三年二月壬午、山城國綴喜郡空閑地四町、賜掌侍從五位上大和宿禰館子、^{○中}

略古市郡空閑地四町、賜繁子内親王、

〔續日本後紀^六〕承和四年六月丁未、賜人康親王山城國葛野郡空閑地一町、

〔續日本後紀^{十一}〕承和九年六月丁卯、以左京采女町西北地四分之一、賜右衛門權佐從五位下橘朝

臣海雄、

〔續日本後紀^{十三}〕承和十年十一月丁酉、以丹波國氷上郡空閑地廿町、賜親子内親王、

〔三代實錄^四〕貞觀二年三月廿九日己卯、右京一條三坊地壹町、賜從五位上小野朝臣千株、從五位

下藤原朝臣良繩等、九月十九日丙寅、山城國宇治郡荒地一町三百三十八步、賜文德天皇皇子

源朝臣能有、十月廿九日乙巳、山城國宇治郡地廿五町、賜左大臣正二位源朝臣信、

〔二代實錄^{十四}〕貞觀九年三月廿三日癸亥、山城國愛宕郡地四町、賜典藏從五位上笠朝臣西子、聽建

道場、

〔續日本紀^三〕大寶三年九月癸丑、施僧法蓮豐前國野四十町、褒醫術也、

慶雲二年四月庚申、賜三品刑部親王越前國野一百町、

賜野